

## PAVORO ITSIRINKAKENERIRA TIMOTEO

Pavoro inti iritigankane Jesokirishito

**1** <sup>1</sup>¿Aiñovi notomi Timoteo kametikyarika pinake? Narori aiñona aka kametikya nonake. Naro nanti iritigan-kane Jesokirishito, intitari tigankakena Tasorintsi Gavisaakoigakairira, aikiro inti tigankakena Atinkami Jesokirishito agiaigairira impigaatera intentaigana-kaera enoku ankañotasanoigakemparira irirori. <sup>2</sup>Timoteo, virori vinti notomisanorira, nantitari kematsatagakempi. Noniaventakempi inkavintsaavageiga-kempira Apa Tasorintsi intiri Atinkami Jesokirishito intsarogakagaigakempira intimakagaigakempira kameti ganiri tatoita povankinaventumataa.

**Tsikyanira yamatavinaigimpikari  
matagavageigacharira**

<sup>3-4</sup>Karanki noatanakera Maseroniaku nokantanakempi pinkantakanira pintimake Epesoku. Maika nonkantu-taemptyo aikiro pinkantakanira pintimake kara, aiñotari gotagantava-geigirorira pashini terira iroro Niagan-tsisanorira, onti ipiriniventavageigi ikenkiaigirira pairanipagenirira, inavantakoigakero ivairopage yashikii-ganakeririra ovashi ikenkitsatakotakeri. Onti ipiriniventavageigiro kogapage. <sup>5</sup>Matsi tyara inkantaigakero?, irorotari okenantakarira ikisavakagaiganakara, aikiro tera iroro ikogagetirira Tasorintsi. Ogari ikogagetirira irirori ontitari

ankematsatasanoigakerira Jesokirishito, aikiro anegintevageigakempara. Maika, viro Timoteo, kantaigeri irapakuaignakerora oga yogotagantagisevageigirira.

<sup>6</sup>Nokogaketari pinegintevageigakem-para ganiri otimi tatampa gipashiventai-gakempine, aikiro pinkematsatasanoiga-kerira Tasorintsi kameti pagaveaigake-niri pintavakagasanogakempara.

<sup>7</sup>Aiñoegitari ikonogagarantaigaka onti ikantatigaigakero yogotagantaigakera, tera ario inkañoigae aroegi agotagantai-gira, onti iniashivageigakaro kogapage.

<sup>8</sup>Ikogaigavetaka irogotagantaigakero-mera itsirinkakotanakerira Moiseshi kañomataka arisanonirikatyo yogotasa-noigakero, kantankicha teratyo irogotumaigero tatoita onkantakera, onti iniashiiganakaro kogapage.

<sup>9</sup>Aroegi agoigake magatiro itsirinka-gakakeririra Tasorintsi Moiseshi onti pairorira okametivageti, kantankicha intagati kogakotankicha ogotakenkanira tyani itsirinkakagantaigakene ganiri okomutagani. <sup>10</sup>Agotasanoigaketari tera iriro intsirinkakagantaigene kematsata-sanoigiririra, intitari itsirinkakagantai-gakene terira inkematsatantavageige intiegiri pugatsantavageigacharira. Aikiro inti itsirinkakagantaigakene pairorira ikisantavageigi, intiegiri vetsikagisevageigatsirira posantepage, intiegiri terira inkematsaigeri, intiegiri gaigiririra iriri ontirika iriniro intiegiri maganiro gantavageigatsirira. <sup>11</sup>Aikiro

inti itsirinkakagantaigakene atashiigiro-  
rira tsinane, aikiro tsinaneegi atashiigi-  
ririra surari. Inti itsirinkakagantaiga-  
kene gaigiririra irapisuraritene ikañota-  
gakari tsinane, intiegiri atashiigiririra  
matsigenka iramaiganakerira ironampii-  
gakemparira, intiegiri tsoegaigacharira  
intiegiri kantaigatsirira: "Ineakena  
Tasorintsi tera nontsoegumatempa",  
kantankicha itsoegaigakaty. Aikiro  
intiegi itsirinkakagantaigakene  
maganiro vetsikaigiririra tatarika oita  
pashini okantavitanirira Niagantsisano-  
rira<sup>11</sup> kamantakotakeririra Tasorintsi  
tyara ikaria yogavisaakotantira. Irorori  
onti pairorira ogishineanti, aikiro  
irorotari itigankavitakena Tasorintsi  
nonkenkitsavagagetakerora. Irirori inti  
pairorira ikametivageti.

**Pavoro ishineventakari Tasorintsi  
ineakerira inti pairorira  
itsarogakagantavageta**

<sup>12</sup>Noshineeventakari Atinkami Jesokiri-  
shito tigankakenarira nonkenkitsatakota-  
kerira. Irirotari gaveakagakena,  
ineakenatari nontsatagasanotakerora  
magatiro inkantakenarira.<sup>13</sup> Pairani  
pairotyo noniashivagevetari irirori  
notsoenkanavetarira, aikiro nokisashii-  
gavetarira kemetsaigiririra natsipereaka-  
gavageigavetarira, kantankicha itsaroga-  
kagagetakena Tasorintsi, ineakenatari  
nokañotakerora maika onti tera nogote,  
tekyatanika nonkematsateri Kirishito.

<sup>14</sup>Kantankicha impogini ikavintsaasano-  
vagetakena ikematsatagakenara, aikiro  
yagaveakagakena nontasanotantakem-  
para nonkañoigakemparira maganiro  
kemetsatasanoigiririra Jesokirishito.

<sup>15</sup>Okari oka nonkantakempirira maika  
onti arisanorira. Kametitake inkematsai-  
gakenara maganiro. Inti ipokashiigakiti  
Jesokirishito irogaviaaigoigakerira  
kañovageigacharira. Ario ikañotagakena

naro navisavagevetakari nokañovage-  
vetakara.<sup>16</sup> Kantankicha ineakenara  
Tasorintsi nokañotakara maika itsaroga-  
kagavagetakena kameti oneakenkaniniri  
samani yatsipereakotasanovagagetakena  
Jesokirishito tera inkisumaten. Impo  
ineagakerora tovaini matsigenkaegi  
inkantaigake: "Iroroventi intsarogakaga-  
sanoigakenarorokari naroegi aikiro."  
Impogini inkematsaigakerira Jesokiri-  
shito gara ineagairo igamane.<sup>17</sup> Iroro-  
tari maika nonkantantaigakempirira  
tsame ankantakanira ashineventaiaga-  
kempari Tasorintsi ankantaigakerira  
pairo ikametivageti, irirotari Agoveen-  
kariegite kantakanirira itimi, aikiro  
panirotyo ikantakara irirori itasorintsi-  
tasanotakerira tera ineimatenkani,  
teranika inkoneatumate. Ario onkañota-  
kempa. Amen.

<sup>18</sup> Maika, notomi, nokogake nonkanta-  
kempira pinkantakanira pinkenkitsatako-  
vagetakeri Kirishito, gara pimagisantuma-  
tiro ikantaigakempirira kamantantaigatsi-  
rira karanki ikantaigakera pimpirinventa-  
vagetanakerora pogotagantasanovalgetana-  
kerora Iriniante Tasorintsi.<sup>19</sup> Pinkantaka-  
nira pinkematsatasanovagetanake pinegin-  
tevagetanakempara, ikonogagarantaigakata-  
ri ineagavetakaty yovetsikaigakera  
terira onkametite kantankicha teratyo  
irapakuagero onti ariompa ishntsiigana-  
keri yovetsikaiganakerora ovashi  
yapakuiganakero ikematsaigavetakaria.<sup>20</sup>  
Arirotari ikañoiganakerori Imeneo intiri  
Arijantero. Irorotari nokantantakarira  
ganigera itentagaigaari kemetsaigatsirira  
yapatoitaigara kameti iratsipereakagava-  
geigakeriniri Satanashi irogaoiganakeniri  
ganigera iniashinaigaari Tasorintsi.

**Tyara ikantagani iniaganira Tasorintsi**

**2** <sup>1</sup>Okeyo nokogake nonkantakem-  
pira piniaventaigakerira maganiro  
matsigenkaegi pinkantaigakerira

Tasorintsi intsarogakagaigakemparira, aikiro pinkantaigakerira pishineventai-gakari ikavintsaavageigakempitari. <sup>2</sup>Piniaventaigakerira koveenkaripage intiegiri aikiro maganiro pitinkamipage pintimaigakeniri kameti ganiri optimi tatampa povankinaventaigaempa, onti pimpiriniventavageigake magatiro ikogagetirira Tasorintsi pinegintevageigakempara. <sup>3</sup>Kametitaketari ankañoiga-kerora maika aniaigakerira Tasorintsi Gaviaaakoigakairira, irerotari ishineven-taka irirori. <sup>4</sup>Ikogaketari irogavisaakoigakerira maganiro, aikiro ikogake irogotasanoigakerora Niagantsisanorira. <sup>5</sup>Añotari paniro Tasorintsisanorira. Aikiro aíño paniro niaventaigiririra matsigenka ganiri ikisaigiri Tasorintsi, irerotari Jesokirishito. <sup>6</sup>Irirori ipiman-taka tsikyata ikamaventaigakerira maganiro ganigeniri yashintaigaari kamagarini, irirokyaniri shintaigaem-prine Tasorintsi. Impogini aganakara kutagiteri ikogantakarira Tasorintsi ogotakenkanira terira ogovetenkani itigankaigakeri iritigankaneegi inkamantaigakerira maganiro. <sup>7</sup>Nerotyo itigankantakenarira nonkenkitsavageta-keria nonkamantaigakerira maganiro terira iriroegi jorioegi tyara ikanta Tasorintsi yogavisaakontira, aikiro nogotagantavagetaikerora Niagantsisa-norira.

<sup>8</sup>Maika nokogake nonkantakempira tyarika pampatoitaigakempsa yogari surariegi negintevageigacharira terira inkisaigempa iriroegi niaigakerine Tasorintsi. <sup>9</sup>Pinkantaigakerora tsinaneegi negintekyara ogaguvageigakempsa, gara okogaigi oneakagantaiga-kempara. Aikiro pinkantaigakerora gara onti opiriniventavageigi ampityagiiga-kerora ogishi. Aikiro garatyro pairo

oshineventavageigaro nenketsiki, kori, kamisapage ontirika tatapagerika oita punatasanotacharira. <sup>10</sup>Onti ompirini-ventavageigake onkavintsaantavagei-gera. Ariotari ikogakeri Tasorintsi onkañoigakempara maika tsinaneegi kematsasanoigatsirira.

<sup>11</sup>Ogari tsinaneegi onkemisantagantsi-vageigakera ogotagaigunkanira Iriniane Tasorintsi. <sup>12</sup>Tera nonkoge ogotagaiga-kerira surariegi avisumanaigakerira, onti onkemisantavageigake. <sup>13</sup>Iketyotari yovamparoatake Tasorintsi Aran impo imatakero Eva.<sup>a</sup> <sup>14</sup>Impo ogari Eva iroro ipokashitake kamagarini yamatavinata-kerora okañovagetantanakarira, tera iriro iramatavinate Aran.<sup>b</sup> <sup>15</sup>Irotori ikantantakaririra Tasorintsi antisipere-a-vegetakera ontomintakempara ovashi atsipereantaiganakarira maganiro tsinaneegi otomintaigakara, kantanki-cha irirori irogavisaakoigakero maganiro tsinaneegi onkantakanirika onkematsaigakeri, aikiro onkavintsa-aigakera, ontiri aikiro osuretasanoigakempsa tyara onkantaigakempsa onegintetasanoigakempsa okiyo.

### Tyara inkantaigakempsa sentaigiririra kematsaigatsirira

**3** <sup>1</sup>Arisanotyo nonkantaigakempi aiñorika kogankitsirira impegakempsa sentaigiririra kematsaigatsirira kametimatake. <sup>2</sup>Kantankicha yogari sentaigiririra kematsaigatsirira inkanta-kanira inegintetasanovagetanakempsa ganiri optimi tatampa inkantavitakenkani onti ineakenkani itimasanovageti kameti, aikiro iragumatakeria paniro tsinane intaganityo, gara ikogi pashini. Ishintsitashitakerora magatiro terira onkametite, irogotasanoakera isureva-getakemparora kametiripage, neginte-

**a** 2.13 Jen. 2.7,21-22    **b** 2.14 Jen. 3.1-6.

kyara irogaigakeri itovaireegi. Kametikyara iragaigavakeri iroviriniigavakerira neaigiririra, irogotakera irogotagan-tavagetakera.<sup>3</sup> Gara ishinkisevageta, gara yagashitantavageta onti inkavin-tsaantake. Inkemisantakovagetakempa magatiro, aikiro gara ishineventavage-tari koriki irashintaviotakemparira.<sup>4</sup> Irogotakera inegintevageigakerira timimoigiririra, aikiro irogotagaigake-rira itomiegi inkematsatasanoigakerira gara ipugatsanaigari.<sup>5</sup> Antari garika ikañotiro maika matsu ario iragaveake inegintevageigakerira maganiro kematsaigatsirira irisentaigakerira.<sup>6</sup> Yogari ikyakenkarira kematsatanankitsi tera onkametite impegakemparira sentaigiririra kematsaigatsirira garira onti iraventakovagetanakempa inkaño-takemparira kamagarini yaventakota-kara nerotyo ikisantakaririra Tasorintsi.<sup>7</sup> Yogari sentaigiririra kematsaigatsirira kante inegintetasanovagetakempa kameti ineraigakeriniri terira inkema-tsaige ario ikañotiro maika. Antari garika inegintetasanota, onti iriniashi-naiganakempari maganiro ovashi iragaveakeri kamagarini ganige ikematsataagani.

#### **Tyara inkantaigakem-pa kavintsajaigiririra kematsaigatsirira**

<sup>8</sup> Ario inkañoigake kavintsajaigiririra kematsaigatsirira nokogake ineginteva-geiganakemparira, aikiro intsatasanoin-gakerora iriniane. Gara ishinkisevageiga, aikiro gara yamatavinaigiri itovaireegi iragutaigakerira igorikite kogapage.<sup>9</sup> Onti inegintetasanovageigakem-pa, aikiro irogotasanovageigakerora okyarira yogikoneigakai Tasorintsi terira ogovetenkani pairani.<sup>10</sup> Oketyo inea-sanoigakenkani ariorika ineginteta-sanovageigaka. Impogini ineaignakenka-nirika ikatinkatagageigakero yovetsika-

geigakerora magatiro ario pinkante kanterityo impegaigakempara kavinta-jaigiririra kematsaigatsirira.

<sup>11</sup> Ario onkañoigake tsinaneegi kavintsajaigiririra kematsaigatsirira onegintevageigakempara, aikiro ontsatagaigakerora oniane gara oniashiigaro kogapage, aikiro oshintsita-shiigakerora magatiro terira onkametite.

<sup>12</sup> Yogari kavintsajaigiririra kematsaigatsirira iragumatakerira paniro tsinane intagani, impanirotasanotakerora gara ikogumati pashini, aikiro irogotakera inegintevageigakerira itomiegi intiegiri aikiro maganiro timimoigiririra.

<sup>13</sup> Inkatinkatagasanoigakerorika yovetsi-kageigakerira irishineventaiigakempari irapigematsaegine, aikiro iragaveake inkamantakotasanoiganakerira Jesokiri-shito ganige itsarogumaigai.

#### **Okyakenkarira yogikoneatimoigakairira Tasorintsi**

<sup>14-15</sup> Nokogavetaka nompokakitera noneakitempira, kantankicha gatatarorokari nopoki. Irorotari notsirinkantakem-pirira oka sankevanti kameti pogotakeroniri tyara inkantaigakem-pa maganiro kematsaigatsirira inegintetasanovageigakemparira, maganirotari aroegi atentaga-vakagaiga akematsaigiririra Tasorintsi terira ineero igamane, irirotari shintaigakai. Aikiro aroegi ikogakagaigake ankamantakoigakerira tyara ikanta yogavisaakotantira katinkara agaigakero, aikiro ashintshitashivageigakerira gagaigirorira Niagantsisanorira.<sup>16</sup> Arisanotyo paipo avisake okametitakera magatiro terira ogovetenkani okyarira yogikoneatimoigakai Tasorintsi. Irorotari oka:

Iponiaka Kirishito enoku imechotakera aka kipatsiku.

Yogari Isure Tasorintsi yagaveaka-gakeri kameti ogotakenkaniniri inti Itomi Tasorintsi,

aikiro isaankariite Tasorintsi  
ineaigakeri yagaveavagetira.  
Ikenkitsatakovagetunkani  
ovashi ikematsatasanovageigakeri  
tovaini matsigenkaegi,  
impogini ikaemairi Tasorintsi  
iataira enoku.

### Pakuaignanaeronerira ikematsaigavetarira

**4** <sup>1</sup>Maika nokogake nonkamantakem-pira yogari Isure Tasorintsi ikantake impogini agapaakempa kutagiteri intimagarantaigake irapakuaignanaero ikematsaigavetarira. Inti irogijatakoga-nake matavinaigakeririra, aikiro inti inkematsaiganake kamagarinipage. <sup>2</sup>Inti inkematsaiganake kametitamampegaiga-charira pairorira yamatagavageiga, tenigetari ineaigaero kutagiteri, nerotyo tatampa tsaganegintaigaerine. <sup>3</sup>Yogaegiri kañoigirorira maika ikantavitantaigiro agenkanira tsinaneegi, aikiro tsinaneegi agaigera surari. Aikiro ikantavitantaigana-keri irogakenkanira posantepage kogageri-page terira inkantaviigavetajaeri Tasorintsi, yovetsikagetakeritari irogakenkanira kameti agaigakemparirika aroegi kematsaigiririra gotasanoigirorira arisanorira ashineventaigakempariniri ankantaigakerira: “Apa Tasorintsi, noshineventakempi pipakenara nogakem-parira.” <sup>4</sup>Maganirotari yovetsikagetakerira Tasorintsi gara ikantavitantagani, imirinkatari kametigetake, kantankicha agaigakemparirika ankantaigakerira Tasorintsi ashineventaigakari, <sup>5</sup>irorotari kametitagakerine Iriniane Tasorintsi ontiri aikiro aniaigakerira Tasorintsi ankantaiga-kerira ashineventaigakari ipaigakairira.

**Tyara inkantakempa**  
**Timoteo impiriniventakerora**  
**ikogagetakerira Jesokirishito**

<sup>6</sup>Pogotagaigakeririka papigematsae-gine magatiro okapage ineakempi

Jesokirishito onti pitsatagasanotanakero ikogakerira irirori. Ariompa pogotasanotanakerori Niagantsisanorira pikemats-takerira. <sup>7</sup>Gara onti pipiriniventavageti pisuregetakemparora ikenkiavageigirira matsigenka, tyampa pinkantakero. Onti pimpiriniventavagetaikogagetirira Tasorintsi. <sup>8</sup>Antari akogaigira ashintsi-gera avatsaku kametitaketyo, kantanki-cha paio avisake okametitakera asuretasanoigakemparira Tasorintsi ampiriniventavageigakerora ikogagetirira irirori antimaigakeniri kameti aka kipatsiku ontiri aikiro anta enoku. <sup>9</sup>Kametitake onkematsatakenkanira oka nokantakempirira maika, ontitari arisanorira. <sup>10</sup>Aroegi akematsatasanoigakeleri Tasorintsi terira ineero igamane. Irorotari apiriniventantaigakarorira magatiro ikogagetirira, aikiro atspereakovageiga posante. Irirori ikogavetaka irogavisaakoigakerira maganiro matsigenkaegi, kantankicha inti yogavisaakoigake kematsatasanoigiri-rrira kantaigakeririra irogavisaakoigake-rrira.

<sup>11</sup>Maika nokogake pinkamantaigake-rrira maganiro kematsaigatsirira magati-ropage oka notsirinkakemprira pogota-gasanoigakerira pinkantaigakerira inkemisantasanoigakempira. <sup>12</sup>Pinkenki-tsatiomoigakerira Iriniane Tasorintsi tsikyanira povetsikikari terira onkame-tite, onti pinegintevagetaikemba kameti ineakoigakempiniri papigematsaegine arioniri inkañoigakemba iriroegi. Pintaigakemparira pitovaire, pinkema-tsatasanotakerira Tasorintsi pinkantakana-nira pinegintevagetanakemba. Pinkaño-takerora maika inkemisantasanoigana-kempiniri ganiri ikantaigi: “Inti niavagetankitsi ikyuenkaririra antaritanankitsi, garatyo nokemisantumaigiri.” <sup>13</sup>Antari gatatarika nopoki pimpiriniventavageta-kerora piniavantakerora Iriniane

Tasorintsi papatoitaigara pinkenkitsatakerora, aikiro pogotagantasanotakerora.  
<sup>14</sup>Pine karanki ipatikaiigakempira pigitoku sentaigiririra kematsaigatsirira iniasurentaigakeri Tasorintsi ikantantai-gakempirira pimpiriniventavagetake-rora pinkenkitsavagetakera, aikiro pogotagantavagetakera, impo ovashi yagaveakagakempi Tasorintsi. Iroro maika pimpiriniventavagetake, tsikyanira papakuanairokari.

<sup>15</sup>Nonkantutaemptyo aikiro pimpiri-niventasanovagetakerora kameti ineraigakempiniri maganiro atanatsi pogotanakera. <sup>16</sup>Pinegintetasanovageta-kempara aikiro kametykyara pogotagan-tavagetake. Pinkantakanira pimpirini-ventavagetanakero. Pinkafiotanakero-rika maika inkantakanira inkavintaava-getakempi Tasorintsi. Ario inkañotagai-gakempari kemisantaigakempinerira.

#### Tyara inkantakempa Timoteo irogotagaigakerira kematsaigatsirira

**5** <sup>1</sup>Maika, notomi, gara pikonomairi antarivagetanaatsirira, kametykyara pogotagakeri pinkañotagakempari irironirika piri. Yogari ikyaeenkarira gaenokaiganankicha pinkañotagaiga-kempari irironirika parentiegi. <sup>2</sup>Ogari antarovageiganaatsirira pinkañotagaiga-keri iroronirika tomintimpi. Irorokya okyaenkarira antarogeiganankitsi pinkañotagaigakemparo pitsiroegi. Pogotagaigakerorika tsikyanira pisariimanaigarokari.

<sup>3</sup>Pinkavintsajaigaikerora ogamakota-gaegi terira intumuaige oitanepage. Iroroegi paerotari okogakovageigaka. <sup>4</sup>Kantankicha aiñorika otomiegi intirika ovisariegithe pogotagaigakeri inkavinta-jaigakerora impaigakerora okogakoiga-kerira, arioankiniri oneakagaigakerira kutagiteri. Inkañogakemparika maika irishinevagetakempa Tasorintsi,

irorotari ikogake irirori. <sup>5</sup>Ogari ogamakotaga panirosanorira apuntava-getaa onti ogiakovagetaka inkavintsa-kerora Tasorintsi. Omirinka opiriniven-tanakeri oniakerira kutagiteriku ontiri tsitenigetiku. <sup>6</sup>Kantankicha ogari ogamakotaga intagatirira opiriniventati-rika okogakerira irorori onti kañomataka ontinirikatyo okamake, teranika onkematsatumateri Tasorintsi. <sup>7</sup>Nokogake pogotagaigakerora maganiro ogamakotagaegi pinkantaigakerora onegintevageigakempara ganiri tatoita okenanta oniashinaigakenkanira. <sup>8</sup>Yogari terira isuretakoigempari iitaneegi timimoigiririra impaigakerira ikogakoigakarira onti ikañotakari terira inkematsatumate, kantankicha paerotyo yavisake irirori, yogovetakarotari ikogirira Tasorintsi, kantankicha tera inkoge intsatagerora.

<sup>9</sup>Antari pitsirinkakoigirora ogamako-tagae, intaganityo pitsirinkakoigake antarotasanolageiganaatsirira panirota-sanotiririra ojime tekyara inkame, ovashi tera agae pashini. Ogari tekyae-kanira oshiriagakoigempa 60 shiriag-ri gatata pitsirinkakoigiro. <sup>10</sup>Aikiro intagani pitsirinkakoigake okemakoi-gunkanirira paero okavintaavageigi kañopagerira oka: ogimonkageigakerira otomiegi onegintevageigakerira, negintekya agaigavakeri apigematsae-gine pokaignakitsirira, omuigakerira pashnipage kematsaigatsirira, otsaroga-kagaigakarira tsipereavageigatsirira, ontirika aikiro tatarika oita antake okavintaajakerira pashini.

<sup>11</sup>Kantankicha gara pitsirinkakoigiro ogamakotagaegi tekyarira antarotasano-lageig, oketyotari onkantaigavetakem-pari Kirishito onkantakanira ompirini-ventaigakeri, kantankicha impogini onti onkogaiganae ojimentaigaempara ovashi omagisantageiganaero okantaigavetaka-

ririra.<sup>12</sup>Tsikyataty o nkantakagantaiga-kempa iroroegi gatanika otsatagaigro okantaigavetakarira.<sup>13</sup>Aikiro omperava-geiganakempa intagati ompiriniventava-geiganake oneantavageigakera. Gara patiro operaiga, aikiro amaiganakero niagantsi oniashiiganakemparora kogapage.<sup>14</sup>Irorotari nokogantakarira ojimentaigaempara ogamakotagaegi tekyasanorira antarovageige ontomintai-gaempara ompiriniventai gakerora ovanko oneginteigakerora ganiri tatoita okenanta iriniashinaigakemparora terira inkogaige inkematsaigakera Kirishito.<sup>15</sup>Aiñotari okonogagarantaigaka ogamakotagaegi apakuageiganakero okematsaigavetarira inti okematsaiganai Satanashi.

<sup>16</sup>Ogaegiri tsinaneegi kematsaigatsi-rrira aiñorika oitane kamakotankitsirira ojime kante onkavintsajaigakera iroroegi ompaigakera okogakotakarira. Gara pashini opakagantaigi onkantaigakera inkavintsajaigakera apigematsaigine, iriroegi ontitari inkavintsajaigake ogamakotagaegi pairorira okogakovageigaka.

<sup>17</sup>Maika nonkantakempi yogari sentaigiririra kematsaigatsirira kametitake impaigakenkanira tatarika oita ikogakogeigakarira, irorotari intimantaigakemparira. Aikiro kametitaketo inkemisantasanoigakenkanira, irirompasanotyo piriniventavageigirorira Iriniiane Tasorintsi ikenkitsavageigakera-yogotagantaigakera. <sup>18</sup>Okantake-tari Itsirinkakagantakerira Tasorintsi okanti: "Yogari toro gara yogusotsovata-gani yagatikagitaganira turigo issaakirera okitsoki." Aikiro aityo pashini otsirinkakotunkani okanti: "Yogari tavagetatsirira impunatakena-ntyto."

<sup>19</sup>Aiñorika kantatsirira yovetsikake terira onkametite sentaigiririra

kematsaigatsirira garika itimaigi piteni ontirika mavani neasanoigankitsirira gara pikematsatiri.<sup>20</sup>Kantankicha aiñorika sentaigiririra kematsaigatsirira garira yapakuraigro ikañovageigara pinkanomaasanoigakerira papatoitai-gara kameti intsarogaiganakeniririto-vaireegi ganiri ikañoigari iriroegi.

<sup>21</sup>Aiñ oneaigakai Tasorintsi, intiri Itomi intiegiri isaankariite ikogakagai-gakerira irashintasanoigakemparira, irorotari nonkantantakempirira maika pintsatagagetakerora magatiro oka nokantagetakempirira. Ario pinkañota-gaigakempari maganiro, gara itimumati ogakonarira pinkanomaakeri.<sup>22</sup>Tsikyana-nira pikatimaigirikari pashini pimpega-kaigakera sentaigiririra kematsaigatsirira garira oketyo pineasanoigiri ganiri vinti kañotacha garira ineginteva-geiga. Virori ariompatyo pinegintetasa-notanakempari.

<sup>23</sup>Kantakavitarí okatsitira pimotiaku gara patiro pitsatiro povii karora nia, povii kagetavaempatyo maani vino irorori.

<sup>24</sup>Aiñoe gi ikonogagarantaigaka ogotunkani shintsi yovetsikaigira terira onkametite ovashi ikanomajagnunkani, kantankicha ikonogagarantaigaka pashini impoginityo ogotakenkani inkisashiigakemparira Tasorintsi maganiro vetsikageigirorira terira onkametite.<sup>25</sup>Ario ikañoigaka vetsikai-gatsirira kametiripage. Ikonogagarantaigaka ogotunkani tatoita yovetsikaigake. Pashinikya tera ogotenkani, kantankicha impoginityo ogotakenkani.

**6** <sup>1</sup>Yogari nampiriantsi kematsatatsi-rrira inkematsatasanotakerira shinta-ri rira gara ipugatsatari ganiri iniashina-tagani Tasorintsi, aikiro ganiri osamatsanataganí agotagantaigirira.

<sup>2</sup>Antari intirika shintakemparine kematsatatsirira gara ikantumati: "Tera

nompinker, intitari napigematsatene.” Pairotyo iraviske irantimotagantsitakerira, ineaketari inti yantavagetimotake irapigematsatene itasanotarira. Maika, notomi, nokogake pogotagantakerora oka, pishintsitagaigakerira papigematsaegine intsatagaigakerora.

### Tyati pairo avisakero magatiro

<sup>3</sup>Ogari agotagantaigirira aroegi onti Niagantsisanorira, agotagantaigaketari ikantagetakerira Atinkami Jesokirishito, akematsatasanoigakeritari Tasorintsi. Kantankicha aiñoegi terira inkogaige inkemisantasanoigerira, onti yogotagantaigi terira iroro Niagantsisanorira. <sup>4</sup>Inti pairorira yaventakovageta. Tera irogotumate, onti ipiriniventavageta yagashitantavagetara, irorotari okenantakarira ikisantira, yotsimaantira, yovosanteantira, aikiro tera inkematsatante onti ikantanake: “Ariorikarayo.” <sup>5</sup>Intentavakagaiga yagashivakagaiga, tenige iragaveaigaenika isuretasanognempara, onti ikogaigake iragantaigakemparora koriki yogotagantaigakameti irashintavageigakempaniri, kantankicha tera irogotumaigero Niagantsisanorira.

Kantankicha akematsatasanoigakeririka Tasorintsi, aikiro ashineventasanoigakemparorika ipaigakairira garira akogaigi pashini, ario pinkante pairo avisakero magatiro. <sup>7</sup>Antari akyuenkara mechoigankitsi tera tatampa ashintumaigempa. Ario onkañotakempanakamaiga ganaera gara tatakona amumai-ganai. <sup>8</sup>Kantankicha maikari maika intagatityo timavetankichane asekaegi ontiri amanchakiegi ashinevageigakem-patyo. <sup>9</sup>Yogari kogaigatsirira irashintaviovegakemparo igorikite oga inkenaigake irovetsikageigaganakero terira onkametite, inkogaiganaketari terira inkogakogeigemparo ovashi

onkañovagetaigaiganakempari, impogini iriaigake morekariku iratsipereavageigakera. <sup>10</sup>Arisano tyanirika yoga intagatirira isuretakotaka irashintaviovegakemparo igorikite intityo pairorira yovetsikagisevageti terira onkametite. Aiñotari ikonogagarantaigaka yapakuiganakero ikematsaigavetarira, irorotari yatsipereavagegantaigakarira.

### Pavoro ikantakerira Timoteo gara yapakuimatiro ikematsatakera

<sup>11</sup>Kantankicha viro, notomi Timoteo, yashintasanotakempitari Tasorintsi gara pishineventumagetaro magatiropage oka ishineventaigarira iriroegi. Onti pishineventasanotanakempsa pineginte-vagetanakempsa, pintsataganakerora ikantagetakempsirira Tasorintsi, pinkematsatasanotanakerira Jesokirishito, aikiro pintsataganakempsirira maganiro. Pantspereakovagetanakempsa gara pipugatantavageta. <sup>12</sup>Pairani pikamantaigakeri maganiro patoitaigan-kicharira pikantaigakerira pikematsatasanotakeri Jesokirishito. Maika gara papakuimatiro pikematsatirira kigonkero piatakera pintimimotakerira Tasorintsi pinkantakanira pintimake, irorotari ikogakagakempi. Aikiro ariompatyo pimpiriniventavagetanakerori pinkenkitsatakovagetakerira Jesokirishito. <sup>13</sup>Aiño ineaigakai Tasorintsi timakagagetirorira magatiro, aikiro ineaigakai Jesokirishito kamantakotankicharira oyara ikogakotagantakerira Pontsio Pirato. Irirori arisanotyo ikantasanotake tera iramatagumatempa. <sup>14</sup>Irorotari nonkantantakempsirira maika pintsataganotakerora nokantakempsirira gara pogagumatiro ganiri otimumati tatampa inkantaviitakempi. Ario pinkañotanakero maika kigonkero impigaatera Jesokirishito. <sup>15</sup>Impogini agapaakempsa kutagiteri iripokan-

taemparira, intigankaeri Tasorintsi impigaatera aka kipatsiku. Yogari Tasorintsi panirosanotyo ikantakara irirori yagaveavagetakerora magatiro, intitari Koveenkarisanorira pairorira yavisavageigakeri maganiro koveenkari-page.<sup>16</sup> Panirosanotyo inake irirori ikantakani itimi pairani tekyara tatakona timumagetatsine, aikiro inkantakani intimakera gara ineimatiro igamane, shimpokirerenkamataketyo kara kantamatake porererere tera tyani gaveatsine iraiñonitumatemparira. Tera tyani neimaterine, aikiro gara tyani gaveatsi ineimatirira. Kantanakanityo irishineventasanovagetakenkanira inkantakenkanira paio yavisake yagaveavagetira. Ario onkañotakempa. Amen.

<sup>17</sup> Maika nokogake nonkantakempira pinkantaigakerira shintavageigacharira gara yaventakovageiga, aikiro gara ishineventavageigarо yashintaigarira, ontsonkagetanaemptari impogini. Inti irishineventavageigakempsa Tasorintsi kavintasaasanovageigakairira, ipaigakairotari magatiro kameti ashineigakempsa

niri.<sup>18</sup> Aikiro pinkantaigakerira gara imichavageiga, onti inkavintsaantava-geigake impaigakerira itovaire ikogakoi-gakarira.<sup>19</sup> Inkañoigakerorika maika impogini iriaigakera enoku inkavintsa-jaigakeri Tasorintsi ineaigakerora magatiro yogiakagaigakeririra impo inkantakani intimaigake anta.

### Pavoro ikarataganairora ikantanairira Timoteo

<sup>20</sup> Maika, notomi Timoteo, pogotagan-tavagetakerora Niagantsisanorira katinkara pogakero, tsikyanira pogagu-matirokari. Gara pikemisantaigiri niashiigarorira kogapage. Iriroegi ikantaigake yogovageti, kantankicha tera irogotumaige. Ogari yogotagantai-gakerira teranika ario onkañotemparo Niagantsisanorira akematsaigirira aroegi.<sup>21</sup> Aiñoegitar ikonogagarantai-gaka ikematsaigakeri kañoigirorira maika ovashi yapakuaignakanero Niagan-tsisanorira ikematsaigavetarira.

Maika, napigematsaegine, nokogake inkavintsaavageigakempsa Atinkami.

*Maika intagati, Pavoro*